

圓覺經略疏之鈔卷第十三

本八

圭峯蘭若沙門宗密於大鈔略出大文第二令依解修證疏三一自下下標大意創因者初聞前章頓指心地也法鏡照心者法謂教法鏡即是喻如人有眼耳無由親

本八

自見之若以鏡照之即見衆生自性亦爾無由自見因聞聖教依教反照方見矣故清涼云以聖教爲明鏡照見自心以自心爲智燈照經幽旨荷澤亦云爾障者正取業及煩惱兼於報障道場中禮儀等除根障故根利鈍者即前所明

障之深淺也習氣者此論凡夫習氣不是斷二障種現後所餘微細習氣也凡夫習氣者如論中染淨相資熏習處說及唯識諸業二取等習氣中說下文當釋依違者依教違教也如華嚴問明品如貧數他寶等疏故須下

正明經忘處處等言用法華文執彼云衆生處處著引之令得出疏然其下二釋科文三一正釋疏前則下二總判疏故華下三引例云亦唯此四者信解行證也信者初會六品十一卷舉依正二果勸大衆信樂也解者二

修因契果生其智解謂第二會十信三會十住四會十行五會十迴向六會十地七會等妙二覺行者託前信解之法進修令成正行也即第八會證者第九會初佛入師子頻申三昧海會頌證法界善財徧親善友歷位漸

證也此乃文雖廣八十略一妙軌攸同綸緒卷始終唯斯二典疏文中下三銷文二一開章述意二牒釋經文經徵釋中疏二一今初下會科段二正釋經進問中疏不離此者此普賢行體也經就當根中云修大乘聞圓覺者

揀所爲機不修大乘者灼然非領受行門之器設有修行大乘者若未聞圓覺亦非器也如前引華嚴多劫修行六度非菩薩等故今標舉具此二類之者疏達天真者前章說覺性天然本淨生死等非作故無經幻幻問中

大

疏二一行也下總釋一科此問等者前云空華即是虛幻又偈云衆幻滅無處故疏幻者下二別釋幻義二一舉大意云難曉者此方無故疏今依下二開數釋謂法性如中真心如師分別識如術法術法有種種差別幻師

是一分別識亦種種差別而真心惟一喻中
既但馬是無不妨有幻師作法法合中亦但
我法是無不妨真心爲識分別種種然迷執
實馬者是傍人非幻師自執法合中執我法
者是六七心所當起信中智相續相非本

淨心及黎耶三細唯識之說賴耶無覆無記
若欲取真妄同一心無別外執者或如幻師
久習幻法幻法既熟等閑即作作法已成之
次忽然心狂迷惑自謂所幻之物爲真雖忽
心狂由幻法熟故在運持之而所幻之物未

滅如狗吠井中影經斷滅問中疏二一此問
下正釋疏金剛下二引證經遮不修中疏不
觀力用者但念性淨也經請修中疏論云下
正是上不觀力用之意也論云如是衆生真
如之法體性空淨而有無量煩惱垢染若人
夾三

雖念真如乃至以垢無量徧一切法故修一
切善行以爲對治若人修行一切善法自然
歸順真如法故疏八風者利衰毀譽稱謔苦
樂窮子者如疏序捨父文中已釋電光者智
論說初心開法乍解如闇夜電光乍見山川

人物項爾還闡然亦因此已辨得前境思想
之而行也但取意引不記其文別處亦說有電光定疏
應添等者應云願爲末世一切衆生分別演
說作何方便漸次修習意即顯矣等者或云
開示分別或云分別宣說皆得經讚許中疏非受者影

空無可受故非拒者對鏡之時影不在鏡外全體冥合故正受者是翻三昧之唐言經長行中疏三一正說下總分經文疏今初下二別釋科意故論云自性等者此是隨染本覺中文具云智淨相者謂依法力熏習如實修

行滿足方便故破和合識相由前方便能破
之相顯不生滅之性此根本無明盡滅相續
故心無所令仰頭法身本資義也

心相顯現法身智淳淨故即於此時能滅染
續之相不滅相續心體故心之中業相等相
還源成淳淨圓智成於應身始覺義也

然此始覺無別始起即是本覺隨染作此義
也今染緣既息始還同本故云淳淨

云何問意云如上所說動彼靜心成者以一
切心識之相皆是無明意云業等染心名諸
之相非約心體說轉難云既言識相皆是不覺
妄別體難也無明之相不離覺性不如說諸識
明故說滅者皆應別有體性離於真如即真
故下答云本覺隨染此無明之相即真

本覺之性非與本覺之性相即真

依非非異非可壞義說無明故非不可壞若就明與無明其性無二無二之性即是實相云因滅無明得菩提提燈無明滅可滅故涅槃經云覺性不壞滅惑之義準此知之如大海水因風波動水相風相不相捨離而水非動性若風止滅動相則滅濕性不壞如是衆生自性

本八

四

清淨心因無明風動心與無明俱無形相不相捨離而心非動性若無明滅相續則滅智性不壞故三隨文銷釋經標幻中疏二一有漏下銷經文蘊處界義至普眼章當釋等者等於三界九地十二因緣二十五有一切有

漏法數引下偶者證成有漏也中實者中是漏最當中義藏和尚般若心經疏作所詮義釋心字意云般若之心是萬法之體故云心也亦作能詮教釋意云此半紙經是六百卷之中也今取前義實者堅實今言中實者其猶

樹木其心當中最堅實故能生長枝葉華果如十地論釋神解者海東起信疏中釋也然況論心者有其四種一華嚴鈔云梵語紀利陀那謂肉團心即五臟中心藏也二緣慮名心謂八識俱能緣慮自分境故三質多謂集

起心即第八識集諸種子起現行故曰楞伽經注翻乾栗駁此云堅實心堅實心者即此所辨今詳此三梵語純利字質字乾栗字聲勢全別應是肉團集起堅實等義別也云陀多駄三字聲勢甚似應是五天梵語稱殊或

本

五

前後譯人小有訛誤理應同是心字智者詳之勝鬘云自性清淨心不染而染染而不染亦此心也故此云不同緣虛集起之義圓滿不必據之疏言皆下二廣釋義二一用當宗經論釋義三一正釋二一用論釋言心體爲

因者論中本覺心即是此經圓覺妙心也論中不覺即此偈云無始幻無明也據論中說依本覺故而有不覺文云依覺故迷若離覺故迷之喻即此依圓覺妙心而有無始幻無明即此種依圓覺依不覺故生三種相種幻化也今配云因緣者謂由無明風力

動彼靜心至此最微名爲生相乃至轉現此三之體是本淨心親故云因故經云法身派轉五道等但由無明動之無明疎故云緣如水爲波水是波體但由風從外入而動之即是其緣若別約一義說者據三細六龕總是無明之相真

心畢竟清淨不增減不變異但是無明託之而現生滅染相即無明却似因淨心却似緣如諸業雖因煩惱而起約果報說却以業爲因煩惱爲緣等亦如洪波徹天水性不動但是風託水而現動相動相是風相非水相矣

約此說者亦有其義但今據本末爲親疎故且依前義耳疏業識爲因等者根本無明與真心合名爲業識此識有動作及爲因之義故云業也此識對自所現境界便生智相相續等六龕也如夢心自現境界對心之

時便生執著謂爲真實執著者還是夢心然但因夢境對之方生執著故云緣也論中但云以有境界緣故復生六種相不言業識爲因者且約九相如次相生此中文少若具說之各有二因二因正是此所立兩重因緣緣

本

六

亦通名因也疏故楞下二約經釋謂無明是能熏通上緣也如真如是所熏熏故即變是因也如水是所吹吹即動爲三細也經中舉龕顯細舉著顯微故且言現識然實具三細不思議薰者謂無明能熏真如不可熏處而熏故名不思

議熏又熏即不熏不熏之熏名不思議熏不思議變者謂真如心受無明熏不可變異而變異故云不思議變又變即不變不變之變名不思議變勝鬘說不深而深等即此熏變也難可了知即此不思議也不思議是義取種種

種座者是上覽界爲緣即此現識所現種種境界還能熏動心海起諸事識之浪即六龍也及無始妄想熏定上覽之因即彼和合真心海之中妄念習氣無始已來熏習不斷以未曾離念謂六龐三細皆展轉有相因之始此塵及念熏動心海種種

識生以妄念及塵龐而且顯故所起分別事識行相龐顯然經中欲明現識依不思議熏故得生依不思議變故得住事識依境界故得生依心海故得住若論中則但辨生緣不得論依住是故於細中唯說無明熏龐中唯說

本

七

境界緣也然成唯識論且約法相權教說熏習義未盡其源故遮真如不變不熏下明深中更當料據今約楞伽勝鬘起信等法性實教故有不思議熏變等義方契斯經矣跡是知下二重顯幻義配前五法者覺心即中無明業

識印幻師術法種種境界是馬次云猶如空華是馬有即無分別事識如癡執實相上引諸教述染法生起行相以釋經文幻從覺生之義訖然此經但云從覺生不釋生起行相處却是文殊章中云由此無明故輪轉生死

是標根本至彌勒章中具說枝末云欲因愛生命因欲有乃至展轉起諸違順造種種業生地獄鬼畜人天上界增上善果等是也疏問既下三通妨結成此問從前心體爲因生三細等文而來難意云真心既生三細即應

是三細之根源便是無明之體何故前文殊章中云此無明者非實有體等答文甚顯意云妄託真心而起之時但是妄起真元不起故豈是妄之根源故更以本月二月之喻通之理無不盡矣然云現且迷真者意云

若就妄說則見妄之時更無別真說何爲源若就真說即元來無妄與誰爲源如夢蝴蝶之時但見蝶身無別莊周之身若就莊周說即元無蝶身與誰爲源故云現且迷真也意云迷真之時現且無真若見有真即不成迷

言上者且就迷情說也不言真無疏故經說
下正是結指經文以成真不生妄之義此義
是佛法中妨難大節復禮法師有偈問天下
學士亦是此義偈云真法性本淨妄念何由
起意云本淨如空即妄根本何當起也從真有妄生此妄安可

本

八

止若真能生妄即除真方得妄無初即無才
有終應有始立此理者擬將難法
終正達法相宗所說無始而有
長懷懵茲理結成願爲開秘密析之出生死利涉大法師答云真法性本淨
妄復何當起妄不從真生無妄何可止既許

無初末寧容責終始無始亦無終誰當情茲
理胡不趣無生乃云祈之出生死此答都不同
禮豈不知真性本無生滅邪意問緣生
深法從何而起起既無始斷何有終懷脣
禪師答云法性非垢淨真妄非如理但問妄
誰問去妄欲求真茲妄安可止無物本自無
如理去妄欲求真茲妄安可止無物本自無

強無無不已無始見有終見終非無始此却
成難意不成答難諸法無自性無性無生死此亦全
目清涼大師答之方釋所問也答曰迷真妄
念生悟真妄則止能迷非所迷妄得全相似
不一不異故如論中海水風波之喻由來未曾悟故說妄無始

知妄本自真方是恒常理分別心未亡何由出生死意以一念不生前後際斷不疏然諸應以念而起於念念無窮也

下二會通他宗經論之文六一總標大意萬法一心者意說法性宗染淨諸法唯真心現如起信等說三界唯識即性相二宗皆有此

本

九

義性宗亦有妄識變境之義性兼真妄之心
別宗即唯妄識

宗途者宗旨途轍也就佛則權實有異就人則情尚有異罕者希也隨學一宗則謂爲了更不知餘聞所未聞翻疑彼錯既聞所說違於已解則拒而不受理須會通備述諸宗義

意令其圓悟若不爾者何能窮究十體雖今約下二別明諸教愚法者不了法空也即是法執假說者謂不了唯識計有外境但云由心造別業故感得自身由心造共業故感外山河器界一切善惡悉由心成故云假說疏

異熟賴耶者第八識也此是諸識本故異熟是善惡華果從無始來至於等覺因位最究竟故取之也賴耶是執藏義過患最重故亦取之並如下說疏遮無境者正出彼一心義也謂若一分是境一分是心即不成一念以境

唯心變亦但是心故唯一也問雖皆是心心
有一種及諸心所相分見分各各不同云何
言一答但心外更無別法即是一義如一株
松雖根幹各別枝葉衆多但皆是松即名一
株松也於中曲有三義一相見俱存此通八

識及諸心所并所變相分雜註二分陳那三分說法四分皆同大玅說二攝相歸見但通王所謂所變相無
別種生但是識生帶彼影起安慧一 分義也如虛空
中本無華種但眼翳時帶彼相起翳則不妨
名有見分如心華則全無如相三攝所歸王但通

論云薩造無著菩薩所信三例知此二唯心光上負等信等是心王之以心所亦無自體但依心王所變故莊嚴
能取及所取能貢妄心所貪能出善心所進等例知此二唯心光上負等信等是心王之
光影無別心所貪光舉一例瞋恚慢疑及信光十為善十正見及隨煩惱及信光十為
一 二光無二法無心所疏理無二故者謂

如來藏舉體隨緣成辦諸事而其自性本不
生滅是故一心二門皆無障礙謂性淨隨染
舉體成俗即生滅門染性常淨即真如門二
門唯是一心故也良由心相雖似種種而相
皆虛妄故但是心心方實故故唯一也如多

十六

十

影是鏡相一明是鏡性多影皆虛故唯一明也此後三門皆得真成一心之義疏泯絕染淨者謂清淨本心元無染淨對妄想垢假說名淨妄既本空淨亦相盡唯本覺心清淨顯現爲破諸數假言一也故此文云種種生於

圓覺妙心楞伽亦云不壞相有八識無相亦無相其文非一破諸數者通伏難也難意云一是數法數是有爲今絕染淨離於名數何復言一答表非二三乃至百千之數故云一也法句經云一亦不爲一爲欲破諸數疏總

談萬有即是一心者謂未知心絕諸相令悟相盡爲心然見觸事皆心方了究竟心性如華嚴說良由皆即真心故成三義一融事相八義謂一切事法既全是真心而現故全心之一事隨心徧一切中全心之一切隨心入

本六

土

一事中隨心迴轉相入無礙二融事相即義謂以一事即真心故心即一切時此一事隨心亦一即一切一切即一亦然三重重無盡義謂一切全是心故能含一切所含一切亦唯心故復含一切無盡無盡也皆一一全具

真心隨心無礙故前即泯之相盡但是性之一心今則一一諸相當體便是一心不須更泯以本是心不應泯故故云即是不云攝歸由此具前無礙三義也然此亦一心與上第三四門異者三是攝事歸理會末同本四則泯事泯末唯理唯本今全事即理即末全本故云理事本末無別異也疏此上下三總結諸教疏然皆下四釋執宗所以應先問云據上所說唯頓教圓教是如實了義何得諸經諸論復有如前異說故此釋云蓋以經隨機

說也隨機者如下逆順中約能詮文逆法從一至四展轉等疏文鈔文之意可取意對此說之間經文既是佛當時逐差別之機權說者何故佛滅度後諸菩薩造論建立宗旨或釋經文亦有差別故次云論逐經通謂非唯

佛在時有差別之機佛涅槃後乃至如今亦如此故菩薩造論亦隨經宗旨通釋佛意造宗論各符一類經各應一類機造釋論各釋一經亦隨何經宗各隨順其旨且如天親菩薩造小乘論即順阿含等染淨定別造攝論

等即相數確然注百論釋金剛明空蕩相造
佛性等論則說衆生是法身如來藏造華嚴
十地論則六相圓融故知各隨經宗何有執
定之滯人隨論執等者過歸後輩傳習之者
良由孤陋寡聞不能博學隨遇一教便謂圓

本八

三

通聞說者違於已解即拒而不受却言差錯
故云固守淺權淺權者前前淺於後後也今
具料揀其在茲焉疏今本下五順逆會通二
一舉意疏約下二正會三一逆詮順法逆
次者逆前五門次第也順法者順諸衆生迷

真起妄從本起末心數次第也如一樹木從
根有樹樹上生枝枝上生華葉從四類至一
聲聞者緣第五是本末融通故且說前四也
教
一法界心者頗教也如來藏下實教也復由
下權教也執取下聲聞教也疏二約下二順

詮逆法順文者文是能詮教如前所列從末
至本逆法者法是衆生心法相生次第從本
起末文二一正顯言乃至者備如上說疏皆
由下二結意如文疏三能下三皆無障礙即
圓教者本末無礙亦如上說疏唯心下六都

結得失如人面向牆立即於百萬種差別物色都無所見臨鏡即物物無遺餘文可解經幻盡中疏三一對前釋義三一此下下指經雙標其染緣起如上諸門其淨緣者即頓教中泯絕染淨是其源也今云幻盡者正是泯

本八

三

絕染淨之義覺滿者有二意一者既諸法俱泯則唯一覺心等虛空界故名滿也二者此覺體中既無垢染即現一切淨妙諸法與此覺體非一非異融攝無礙如普眼章中六根徧滿等名滿也前是頓教中意此是圓教中

意然一真覺心體非染淨迷則一切皆染悟則一切皆淨但淨順覺體故名覺滿染違於覺是埋覆義不名覺滿迷起染義如前段說悟起淨義如正宗說三重因及所成果是也問然上三細六龐之染三因及果之淨有何

所以如此展轉反覆生起生起行相如何答如下所引論釋疏故論下二以論雙標謂染淨之法只由此四法反覆熏習故不斷也法四者論具云一者淨法名爲真如二者一切染界名爲無明三者妄心名爲業識四者妄境自性差別仗托因緣故具說三種其真如淨法

明法對染雖成熏義然其體性竟未嘗別故但一味也

言重習者論次文云熏習義者如世間衣服實無於香若人以香而熏習故則有香氣

心論熏習各二種一習謂心體成染淨等二資熏謂現行心境及諸惑相資等

此亦如是真如淨法實無於染但以無明而

熏習故則有染相
故經說如來藏爲惡習所熏無明染法
實無淨業但以真如而熏習故則有淨用
是依無明熏動真如有業識心也然妄以有妄心亦通事識今採其本故云業識

即熏習無明不了真如法故不覺念起現妄境界
以此妄心還資熏無明增其不了令其轉成辯識及現識以有妄
境界染法緣故即熏習妄心令其念著造種業受於一切身心等苦
以此境界還熏形心海起諸識浪緣

念彼境即起事識也上六龕中物二名念中
二名著後二名同此也謂依惑造業依業受
報然妄境妄心無明等三種熏疏故勝下二
習之義復各有二種廣如論說疏故勝下二

引證引於三經皆如文可見云畫師等者次
云能畫諸世間五蘊悉從生無法而不造疏
淨緣下二淨亦取意引論文具云云何熏習

起淨法不斷所謂以有真如法故能熏習無
明以熏習因緣力故則令妄心厭生死苦樂
求涅槃以此妄心有厭求因緣故即熏習真
如先明真如內熏無明令成淨業後印此淨
熏自信已性即三賢位中修知心妄動無

前境界解也修遠離法依解成行謂尋伺等
如實知無前境界故初地見道證唯識理現
取所承明十地修道位中廣種種方便起隨順行不
念不生乃至久遠熏習力故三祇無明則滅本以無明滅故心無有起妄心以

卷

五

無起故境界隨滅妄境滅也此上皆滅惑也
云成德以因無緣妄境俱滅故心相染皆盡名
得涅槃此並滅故心體成自然業起不思議
故法華云佛種從緣起華嚴云若人欲了知
三世一切佛應觀法界性一切唯心造者唯心

清淨心也所以知者次云於心佛亦爾然衆生雖等有真如等皆熏習而有信無信不能等修方便入涅槃者以諸佛法有因有緣因緣具足乃得成辦衆生雖有正因熏習之力若不遇諸佛菩薩善知識等以之爲緣能自

斷煩惱入涅槃者則無是處若雖有外緣之力而內淨法未有熏習力者亦不能究竟厭生死苦樂求涅槃謂無明厚重之流雖本覺友外緣之力亦不能令其得道若因緣具足者所謂自有熏習之力又爲諸佛菩薩等慈悲願護故

共四
緣也

丁明熏能起厭苦之心信有涅槃修習善相益云
明勝進云以下以修善根成熟力故則值諸佛菩薩示教行利喜得義利具解乃能進趣向涅槃道然據法相宗所說真如一向凝然不變則無熏習之義故成唯識論云依何等義

立熏習名能熏所熏各具四義今種生長故名熏習廣如大鈔引彼論說疏然淨下二攝成此門攝釋染淨成此幻盡覺滿也亦是釋成論中淨法不斷之義謂由迷倒妄染故有佛教依教悟修故得淨法對待從緣故無自

性言俱融者迷真起妄悟真翻妄離自真性無別染淨故染與淨即體同真故云合法界性故論云無別始覺之異也起唯性起者即華嚴宗中性起門謂法界性法爾全體起爲一切諸法也法相宗說真如一向凝然不變

文

六

故無性起義此宗所說真性洞照靈明全體即用故法爾常爲萬法法爾常自寂然是全萬法之寂然故不同虛空頑礙而已萬法是全寂然之萬法故不同徧計倒見定相之物擁隔質礙既世出世間一切諸法全是性起

則性外更無別法故彼經說諸佛與衆生交徹淨土與穢土融通法法皆彼此該收塵塵悉包含世界相即相入無礙圓融具十玄門重重無盡良由全是性起也此但釋幻妄盡時覺性圓滿不斷不盡之理以答普賢斷滅

之間其正說悟修之相文在前後悟相在前文殊章修行始終方便行相在後普眼章分析四大觀察身心乃至垢盡明現及後諸章等疏文中下三依文銷釋二初分科言該釋者正喻幻盡覺滿兼該前種種幻化生於覺

心故云該也二正釋經法合中科唯譚者但
合後幻華雖滅空性不壞不合華從空有故
云唯也以華從空有即是前幻生於覺心之
文故不重合此是經家巧令文略略者但以一喻該得
前經兼拂中疏此意者作俱無之見也勢極

矣

士

三重者初一重拂對待後兩重拂有無則自
然絕起念之門也但上智者從此便契覺心
中下之流縱不契合亦但茫然不知終始惶
悚失其所守從落盡下皆是見非妄俱非之義文是佛頂經也因佛惟微諸物大眾茫然云云此所引文是也

無跡可執故云極三重矣

經令離幻中疏二一三令下會通前後二正
釋經文經展轉離幻中疏離諸幻境者一切
幻化之法若心若境盡名幻境不唯外境皆是所覺故故下重釋中初句但云離妄疏揀非幻
心者經既云如幻者亦復遠離即明非幻之

者不可離也故清涼云棄之而不離下經云
幻滅滅故非幻不滅問既揀非幻之心未審
何者是此所離之幻心此幻心與初句何別
上釋初句云若心若境盡名幻境何故此復
別舉幻心答前該無始已來内外情塵皆是

幻化故下云身心幻垢此句即是幻智是能離能修之心也故下重釋次句云離覺又上云不妨以幻修幻疏三遣等者初句只能離於幻妄次句但能離於幻智俱未離於能離之離故此離之經云遠離爲幻者爲離非唯是也

幻妄幻智兩種是幻即此能離兩種幻者亦是幻也故云亦復遠離故下重釋第三句云遣離疏四遣等者前二句但遣所離第三句方遣能離雖能所俱泯終屬拂泯之科未得存泯無跡故此都結表無遣離之迹以絕生

心動念

法界觀云不可亦不可此語亦不受體

心動念即本法

以遮無窮之失經云離遠離

幻者意云能離遠離之離亦是幻也疏亦可下重釋四句此但是文簡義顯亦不異前但緣前文要須委曲周細分析行相故文句似

六

六

涉重疊各隨當句雖皆可解若四句一時歷觀即難見節級之殊故此復撮略指之令總觀頤現矣疏皆言遠下通釋遠離也言止離等者約止觀顯遠離之相引知幻即離者偏證觀離也略而言之觀行相止不繫之爲止不將心繫

滯之即休意也不計之爲觀不將心計皮見也俱以

止觀離之則定慧平等經察顯真覺乃至偈終疏皆易解故不假釋經廣明行相疏二一自下下開章言通明觀行者大乘學人盡須聞此觀行故云通明然得益則有深淺故修

證者唯指上根上根者但約能入之人非配法門局定不同三乘之法於三根各被一也謂但是一法巧被三根耳如法華第一周說聞則普聞悟唯鴟子疏一開示等者若約大疏又更以四分科之謂從徵釋用心兼此四

段總當其解雖有觀成斷愛修證之相但爲成其圓解正同華嚴修因契果生解分也二正釋經舉法請中疏二一標請下釋標請云恒作是念等者謂普觀身心根境一一推窮既見塵淨智圓即見衆生皆佛盡此一章總

文

九

名觀行成就菩薩發起意在茲焉故愍疏云大士張教綺互相承若一人請周餘當杜述疏此下下二釋別列此同法華等者以例釋也謂華嚴中有一解脫門名開悟一切衆生智彼疏亦指同法華今云開悟故亦指也諸

佛唯爲此一大事出世更不爲餘故開示悟入四字之義具如大疏今此但略配屬嘉祥疏意矣初二句配攝以四句雖殊不出能化所化故此二字便攝彼四後二句正配能所全是彼之疏文謂大開之與曲示始悟之與

終入此二句亦是彼疏意云但說有性名爲大開言此是正因性此是緣因性此是了因性菩薩有本性客性本性是法性自爾客性是六波羅密也此是因性果性亦云善戒凡性聖性此是體是用是理是行即名曲示豁然明了名悟修行契證爲入若約法華論

釋即開者無上義謂除一切智知根也更無餘事無餘故云無上即雙開菩提知見得相也涅槃知見得也衆生本有障翳不見佛爲開除即本智顯現故示者同義別示性成涅槃三乘同法身故悟者不知義別示相成菩提不知唯一事實今令知報身

菩提故入者令證不退轉地故即是因義大鈔備依性相二宗廣釋要則檢之經返顯請中疏如幻三昧者普眼恐未世衆生聞前知幻即離等言迷悶不能悟入圓覺故請開悟之方便迷則不悟悶則不入經結牒請中疏

修習方便者大品經修諸行門皆以無所得而爲方便華嚴十迴向品偏修一切時段文餘諸行一
一皆各有衆多施有六十

一一以離相爲方便金剛經以無住爲方便禪門以無念爲方便此經以正念離幻爲方便至文自釋意皆不別經起行方

失

辛

便中疏四一指前下釋離幻疏正念下二釋正念疏然正下三明上二互資疏由此下四結成方便經戒定中疏二一奢摩下釋前四句止是定義者修時曰止成就曰定由止息諸緣故得心定標如來者修雖凡修定是佛

定也一向絕緣者誓心如草繫戴珠梵網經菩薩心地法門品云若佛子持佛禁戒者作是願言寧以此身投熾然猛火大坑刀山終不毀犯三世諸佛經律與一切女人作不淨行復作是願寧以熱鐵羅網千重周匝纏身

終不以破戒之身受信心檀越一切衣服復作是願寧以此口吞熱鐵丸及大流猛火經百千劫終不以破戒之口食信心檀越百味飲食復作是願寧以此身墮大猛火熱鐵地上終不以破戒之身受信心檀越百種牀座

復作是願寧以此身受三百矛刺身經百千
劫終不以破戒之身受信心檀越百味醫藥
復作是願寧以此身授熱鐵鍼經百千劫終
不以破戒之身受信心檀越千種房舍屋宅
園林田地復作是願寧以鐵槌打碎此身從

夾

主

頭至足令如微塵終不以破戒之身受信心
檀越恭敬禮拜復作是願寧以百千熱鐵刀
矛挑其兩目終不以破戒之心視他好色復
作是願寧以百千鐵錐剝刺耳根經一劫二
劫終不以破戒之心聽好音聲復作是願寧

以百千刀刀割去其鼻終不以破戒之心貪
嗅諸香復作是願寧以百千刀刀割斷其舌
終不以破戒之心食人百味淨食復作是願
寧以利斧斬破其身終不以破戒之心貪著
好觸復作是願願一切衆生悉得成佛而菩

薩若不發是願者犯輕垢罪疏根門者眼等
六種善念惡念造罪修福出入之門根義如
後文說誠約身口者然大乘須制意地何以
但言身口答經上句云先依奢摩他行即是
制意也又上云一向堅持皆是制意地義又

戒是防禁外非之義身口義相龐顯故且略言耳其實必三業清淨攝律儀等者然三聚戒具止作二持自他二利初一是止待後二是作持初二一是自利後一是利他今意說律儀者堅持之言制止義勝又爲觀行之前導

故爲止惡息緣之意義通餘二者次文安處徒衆是進業攝善法也攝徒攝衆生也之意也十無盡者菩薩十重也一乃至有命者不得故殺二乃至鬼神有主劫賊物一針一草不得故盜三一切女人乃至畜生諸天鬼神女及非道

不得故淫四不妄語五不沽酒六不說在家出家菩薩罪過七不自讚毀他八不慳九不瞋十不謗三寶一一有因緣法業四句制自及教人也然此十戒亦兼攝善攝生一云是菩薩應起慈悲救護衆生等二應助一切人生福生樂等三

夾

三

應淨法與人等四常生正語等五應生一切衆生明達之慧等六常應教化是惡人輩等七應代一切受加毀辱等八見一切貧窮人來乞應隨所須一切給與等九應生一切衆生善根無諍之事等十見外道惡人一言謗

佛如三百矛刺心等

上十如次是前十戒中
文背云等者或等取文

前或等取文
後具如戒本疏取要唯四重者殺盜淫妄也
雖十戒皆是業道就障聖道此四偏增故出
家戒偏制之也今欲修無漏觀智以戒定焉
前導故疏重指出四戒然據小乘四中制三

爲分限謂唯制殺人盜滿五錢妄言證聖今
則全制也枝葉不生者聲聞戒中餘四篇六
聚皆爲防護此四故深遠止之今但如上說
一向絕心誓志的不擬犯此四者舉心運意
所作所爲自然一切清淨故云爾也故佛頂

經第六云取意用之佛告阿難汝常聞我毗奈耶
中宣說修行三決定義所謂攝心爲戒因戒
生定因定發慧云若諸衆生其心不淫則不
隨其生死相續汝修三昧本出塵勞淫心不
除塵不可出縱有多智禪定現前如不斷淫

本

必落魔道

殺墮神道
誨墮邪道

彼等諸魔

殺云鬼神
誨云羣邪

亦

有徒衆各各自謂成無上道我滅度後末法
之中多此魔民殺云鬼神
誨云妖邪熾盛世間廣行貪
淫殺云爲善知識令諸衆生落愛見坑失苦
誨云內提路汝教世人修三摩地先斷淫心是名如

主

來第一

殺云第二偷云第三要云第四決定清淨明誨若不

斷淫修禪定者如蒸沙石欲成其飯經百千

劫只名熱沙

殺云人如自塞其耳高聲大叫求

漏卮大妄語云如剝人糞爲汝以淫身求佛

妙果縱得妙悟皆是淫根本成淫輪轉三

塗必不能出

殺云相食未已云何是人得出三界

如來涅槃何

路修證

殺云服其身分皆爲彼緣

必使淫機

身心俱斷斷性亦無於佛菩提斯可希冀

我說是人真解脫者如我此說名爲佛說不

身心二途不服不食

如此說即波旬說釋曰四戒文相多同故例

記之而已有不同處已側注訖疏同行同見
者或同學同業或弟子徒屬故寶積下引例
以顯處徒衆中互相迭共之行相也平等法
者染淨諸法皆空故皆稱真性皆即真性故
正同文殊章中本無生死覺智亦泯如法界

性究竟圓滿徧十方也聞已應發等者同此章應
當正念遠離等也依城邑等者不同二乘事須避
境故文殊師利說三十二難中云作禪觀行不為
難對境不動是為難具四部處正同此安處徒衆
更互已下證疏中互相雕琢迭共商量等也解一

切法無有自性者正同下二空觀成身心空寂等也煩惱漸除是彼觀益彼觀益之劣於此矣
疏宴默下釋後一句三初消此句經文文易可知疏靜室下二對前句通難問答可見於本六
中引淨名者即淨名訶舍利弗林間宴坐之言也云不必者意令心不起不必行住卧等
聞思修者三慧備也論語云學而不思則罔如_{有解慧}巴慧也思而不學則殆_{如強自思惟推}但申申天夭者揀異孔子宴坐也論語云子但申申天夭者揀異孔子宴坐也論語云子

今意云須分明顯觀照洞達理事豈同孔子但和悅舒暢而已既不同彼即須處衆徵論增智慧也疏此依下三指答處戒定靜坐處衆是住持相也經觀慧中疏二一二觀下分科二隨釋經二空觀疏二一初二下標大意講時且分明顯生起鉤鎖次第之意令人會解然後消二障等文二障體義下八識章中當釋今且消疏云衆生曠劫漂沉者是煩惱障之過患此障涅槃或憒邪小者憧小乘不成種智是所知障之過患此障菩提故云不成

種智二執者我法也我謂主宰如國之主有
自在故及如宰輔能割斷故主是我體宰是
我用又主是俱生宰是分別所謂有情者意
生者摩納縛迦者數取趣者命者生者士夫
者作受知見者依蘊計此名爲我執於中有

六

二十五

即蘊通論一雜蘊三宗非即非離切異生雜蘊外道小乘中等
別廣如大鈔法謂執持即諸凡夫外道小乘
所執離心有定實法謂一切三世十方染淨
心境一一皆是然云我法者有云人法慈恩
云人不談餘趣故改云生法余謂濫於無情

無情亦生故又濫於法法亦生故故今只言
我法唯識鈔云我濫於法迷執者亦計諸法
有我故今謂不然我是主宰有割斷義計法
云我但計諸法各有自性豈計諸法皆能造
業受報等邪故我法二相各殊不相濫也唯

識演祕破云法亦有我我字寬通不應云我
今謂不然我是主宰有宰割義其所計法我
但是計有諸法勝性豈有能造業受報等邪
不應言寬通大鈔中廣救慈恩所破人法却
反破彼生法又例破演祕亦有寬通之失兼

圓收我法人法生法隨言皆得各有其意然
我字最親故今云我法要廣解者即檢大疏
大鈔疏二空者情執爲有智照爲空空即彼
無無別體也智緣空起爲所遊門言我空者
但依識所變故實我不可得故即蘊離蘊非即非離實
有我者皆非理故並如大疏大鈔一一備釋

顯二真如名二空理體雖是有相即是空非
性是空說爲二空從能顯說梵云瞬若多此
云空性即是二空所顯實性空者從勝能說二
空之性名二空性依士釋也言真如空未盡
理故疏執亡下有二意一同諸宗歷諸位地

因圓果滿十障已盡證十真如名聖性現前
煩惱已盡習亦除時成等正覺梵釋龍神咸
恭敬應用塵沙名爲佛也二約此宗觀行成
就頓同佛境執亡性現即二空觀成所顯真
如應用下即法界觀成名之爲佛疏文中下

六

三

二開章釋二一開章言破執者我法也顯理
者真如也能破能顯即二空智品然據破執
顯真兩對能所含有四法緣能破能顯皆是
其智故但三法若約迷悟一一對之應云昔
是能執所執今是能破所破昔是能迷所迷

今是能顯所顯二隨釋經觀身中疏二一夫
計下開其總別若約身爲總下迴互爲總別
也謂以通伏難難曰夫言身者已具五蘊如
何身外復說觀心故此通之此有兩對總別
前對縱後對奪既互爲總別皆有通理不應

責也疏今初下二牒釋經文三一敘意身爲
諸愛根本者義在彌勤章深究輪迴之因令
斷貪愛等處所釋淨名下引四處教文證身
之過患矣淨名經方便品說取意維摩居士
方便現身有疾故王臣長者居士婆羅門王

子官屬無數千人皆往問疾其往者維摩詰
因以身疾廣爲說法諸仁者此下正說無常
觀故蹕引之此即第一是身無常無力無堅速朽之法不可
信也無常觀苦觀爲苦爲惱衆病所集諸仁者
如此身明智者所不怙第三是身如聚沫不

可撮摩如談從渴愛生如幻從顛倒起如夢
爲虛妄見空鄉^{第三}次說身如四大無主地無我
火無壽風無人水又云無知如草木瓦礫上皆
身淨名乃至結云諸人者此可患厭當樂佛
文了涅槃文廣待檢敘之背恩者金光明

經云我從久來持此身臭穢膿流不可愛供
給敷具并衣食象馬車乘及珍財變壞之法
體無常恒求難滿難保守雖常供養懷怨害
終歸棄我不知恩智論云審諦觀此身必歸
於死處難御無返復背恩如小兒涅槃亦云

跋外添此成
背恩之義
不修身者不能觀身及觀色相
於非身中而生身相貪著我身乃至而常是
然如所事火如所菴蛇遇緣滅壞都不憶念
往日供給衣食之恩疏文中下二分科三隨
釋經尋伺觀中疏歌羅遷者此云薄酪謂初

在胎時受父母精血七日已前如薄酪也疏
菴提遮經言不自得者性空無所得也疏四
我者且約四大云四我若據一地大骨之一
分已應有三百六十箇我筋肉一一皆然正
法念經說一一支節筋脉間各各有風名字

水火亦例知各各不相是若一一皆我我乃
無量經如實觀中疏夜見一鬼等者可檢論
文敍之又只緣等者意云即自己身本亦是
他由執計爲我故謂之有自既計爲自即以
餘身及餘諸法爲他既計自他便成前文之

難矣經觀心中疏二一後觀下敘意狂性自
歇等者如序中引二正釋經尋伺觀中云四
緣者如前引審提經也疏四大和合者前引
寶積經釋竟成於一色等者俱舍偈云最初
即前歌羅運此梵語前後異改此云薄醉亦云
羯刺藍

李
初蘇言最初者謂七日滿

次生頰部疊此云健南此云堅內次鉢羅奢怯此云色根形相漸次而轉增餘教云六十六即此也根爲外者以四大是當體體質故云內根是
次生閉戶此云閉尸生後髮毛爪等及
次生閉戶此云閉尸生後髮毛爪等及

六塵即六根爲內六識爲中間今緣經云六
根四大中外合成合身也故爲此釋金剛
三昧經云今彼衆生皆離心我一切心我本
來空寂今此說心爲我義與彼同經法空中
疏非色滅空者淨名文也然法空義是大乘
初門有數宗義謂唯識所變故空情有理無
故空於理無中析色以明空體色以明空空
中無色故空因緣無性故空外道小乘所執
非實故空儒道二教所許虛謬故空並如大
鈔一一引據解釋經顯理疏二一大文下總

敍言非謂無雲下乃至見真理矣破謬解也有以我法二空便是真如無別真如之體故前引唯識疏已辨空及理不同謂梵云舜若此云空空無之空梵云舜若多此云空性即是空所顯性性即此宗覺性故次疏云對前妄盡故釋云真如等法界觀中

卷

王九

此科甚要可明示之要意甚多謂不執我法等云云又法相宗以此二空觀為宗極今以之為前方便即深淺可知也故前云權教之中無實舉且法界觀經法界觀疏二一自尚無說處況有佛果耶經法界觀疏二一自下下科分二隨釋經標中疏我空法寂者依蘊即離所計之我一向是無但倒情橫計故

直云空蘊界處及餘一切諸法雖無其執不壞其相故但云寂故法華云諸法從本末常自寂滅相寂滅相故一切融通根識塵大清淨徧滿矣經喻中疏三一謂摩下略標喻相摩尼此云如意得此珠者如意中所欲無不遂故青黃等者五方正色故經云隨方各現疏然此下二以之合法二一標疏言印下二釋二一釋印前二一直釋言五色喻五道者此有二釋一直依本配之黑喻地獄由黑業故青喻餓鬼鬼多面青故餓瘦帶青色故赤

喻畜生天台止觀云血塗之道故黃喻人道
黃是中方之色易云黃裳其也人道不在天上之
樂不在三塗之苦處其中故白是天道純善
白業所感故二約正法念經於白色中開出
白白以配六道彼經云心如畫師手出五彩

黑青赤黃白及白白清涼大師如次配地獄
鬼畜修羅人天三塗同前餘黃配修羅修羅
非天非人處中間故白配於人多善業故白
白配天因果俱善故華嚴三地中亦說故華嚴下證
於見色迷珠之喻但以經合之意即顯矣謂

經初句中諸法合青黃凡夫見合愚人次兩
句合但見全是青黃後句合則不見珠體疏
若以下二配三性言前所顯者二空所顯真
如也前幼者文云幻滅亦滅等前座垢者文
云垢盡明現又云當知身心皆爲幻垢垢相
本入

永滅十方清淨身心等相者從我今此身四
大和合已來盡二空觀矣疏言顯下二釋顯
後於中初且結印前之意以起後圓淨之義
勢次但無計下正明此門之義然此印前顯
後一段之意結撮至此美而復妙文勢亦甚

易見可在意以前後經文乃至一切清淨徧滿等而發揚之疏然前下三揀二喻別相對說之亦甚易甚妙必須再三分明顯此深意此經宗要文相於是乎大彰經法中疏論云一切等者是本覺體相之文同顯覺性圓淨之義故以彼證此言不能染者以性淨故雖現染法染法所不能汙非直現染染不能汙亦乃由現染故反顯本淨如鏡現穢物反顯鏡淨豈汙鏡也正同此疏云顯圓覺雖現非其定實故也智體不動者以本無染今無始

淨是故本覺之智未曾移動又雖現染不被所染即不動之義具足無漏等者此本覺中恒沙性德無所少也又與衆生作內熏之因令起厭求等故經拂迹中科云拂迹入玄者爲欲入生佛平等稱性圓淨究竟之法故宜

卷

三五

拂前垢淨迷悟始終分限之迹也此一段疏文甚深甚妙甚顯甚易可發揚其美疏二一此上下釋文但一一以疏屬當經文文自顯矣然其迹下疏中各隨經文間而釋之今先總顯所拂之迹相躡起滅之相令昭然在懷

方始說釋即有味也謂本以衆生妄執幻化故說幻垢衆生依教離垢故復說名菩薩幻垢既如珠中之色當知本無故云垢盡所離

之垢既無對離之智何立故云對除既無對

治之智何有起智之人故云即無對垢者深

淺之執本無何有說教之者故云即無說名者詳之見其意已即就經及疏依此意勢說之疏言對垢者者字貫於此也故疏皆云者疏然上下二配對言各三者人是三能法是三所言三對者一衆生是能執垢是所執二

菩薩是能離垢是所離三佛是能說執離垢淨人法等名數皆是所說六隻單數可知此是經文非別建立

圓覺經略疏之鈔卷第十三

永樂北藏

圓覺經略疏之鈔

第一八七冊